



Statuti i Organizatës për Demokraci, Anti-Korrupsion dhe Dinjitet - Çohu!

Ky statut do të qeverisë fondacionin jo-profitabil **Organizatën Çohu!**, të themeluar në pajtim me Rregulloren nr. 1999/22 të Administratës së Përkohshme të Misionit të Kombeve të Bashkuara në Kosovë, e cila vepron sipas Ligjit nr. 04/L-57, Për Lirinë e Asociimit në Organizatat Joqeveritare në Republikën e Kosovës.

Neni 1

- 1.1. Organizata do të quhet *Organizata për Demokraci, Anti-Korrupsion dhe Dinjitet Çohu!*
- 1.2. Ajo mund të njihet edhe si *Organizata Çohu!*
- 1.3. Organizata është fondacion jo-për përfitim, sipas definimit të dhënë në nenin 5.3 dhe 6 të Ligjit Nr. 04/L-57 Për Lirinë e Asociimit në Organizatat Joqeveritare në Republikën e Kosovës.
- 1.4. Organizata nuk do të bëjë shpërndarjen e çfarëdo fitimi neto ose të profitit si të tillë për asnjë individ. Pasuria, të ardhurat dhe profiti i organizatës do të përdoren për të mbështetur qëllimet joprofitabile të organizatës dhe nuk do të përdoren për të krijuar beneficione të vecanta individuale, qoftë në mënyrë të drejtpërdrejtë apo indirekte për asnjërin nga themeluesit, drejtorin, nëpunësin, ndonjë anëtar të bordit, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona kanë bërë për këtë organizatë.
- 1.5. Ndonjë transaksion i mundshëm në mes anëtarëve të Bordit të Drejtorëve, personi ose nëpunësi dhe organizatës duhet të mbyllët në vlera reale të tregut ose në kushte që janë më të favorshme për organizatën.
- 1.6. Organizata ka zyrën e saj qendrore në **Ruga 2 korriku 4/4.**

Neni 2

- 2.1. Themelues të organizatës janë:
Avni Zogiani – Rr. Hysni Curri nr. 12 Prishtinë.
Anton Nrecaj – Rr. "UÇK" B1, Prishtinë.
Alban Bokshi – Rr. "Hyzri Talla" 11/7, Prishtinë.
- 2.2. Përfaqësues i autorizuar i organizatës në Kosovë është **Arton Demhasaj**.
- 2.3. Përfaqësuesi i autorizuar emërohet nga Bordi i Drejtorëve dhe duhet të përfaqësojë organizatën në Kosovë dhe pranojë të gjitha shkresat zyrtare në emër të organizatës. Ai



ose ajo duhet të jetë përgjegjës për informimin e autoriteteve relevante administrative për çfarëdo ndryshimi në organizatë.

Neni 3 – Qëllimi

3.1. Organizata është themeluar me qëllim të: *Luftimit të korrupsionit, demokratizimit të shoqërisë, përparimit të drejtave të njeriut, qeverisjes së mirë, përparimit të praktikës demokratike dhe shoqërisë civile, si dhe analizimin dhe avancimin e çështjeve socio-ekonomike.*

3.2. Për t'i përbushur qëllimet e saj, organizata do të ndërmarrë këto aktivitete të poshtëshënuara: *Fushata mediale, seminare, debate, takime me qytetarë, monitorim të zbatimit të ligjit nga institucionet vendëse dhe ndërkombëtare, angazhim të qytetarëve në jetën politike, punëtori, angazhim të shoqërisë civile në jetën politike, si dhe çfarëdo forme tjetër paqësore për të arritur qëllimet e organizates.*

Neni 4 – Bordi i Drejtorëve

4.1. Bordi i Drejtorëve është organi më i lartë qeverisës i organizatës. Ai përbëhet prej njerëzve të dëshmuar në jetën shoqërore. Bordi i Drejtorëve, ka përgjegjësinë më të lartë për politikën dhe çështjet financiare të organizatës.

4.2. Përpos kompetencave të dhëna me këtë statut, Bordi i Drejtorëve do të ketë gjithashtu edhe këto kompetenca:

Është përgjegjës për kontrollin e çështjeve dhe pasurisë së organizatës. Bordi i Drejtorëve, duhet të veprojë çdo herë në pajtim me qëllimin e organizatës, t'i zgjedhë anëtarët e bordit të drejtorëve (përbërja e parë e bordit zgjedhet nga themeluesi-t), t'i aprovojë raportet prej zyrtarëve, të aprovojë përvetësimin e pasurisë mbi vlerën e caktuar, të lidhë organizatën në ndonjë marrëveshje me nënshkrimin e dy drejtorëve, të emërojë dhe zgjedh përfaqësues, t'i përcaktojë kompetencat dhe detyrat e çdo përfaqësuesi.

4.3. Bordi i Drejtorëve do të ketë të paktën 3 (tre) anëtarë: Kryetarin, Sekretarin dhe Arkëtarin.

4.4. Mandati i Bordit të Drejtorëve është dyvjeçar dhe të njëjtë mund të zgjedhët vetëm edhe për një mandat tjetër.

4.5. Bordi i Drejtorëve përfaqësohet nga drejtori i Bordit dhe do të shërbej në kohëzgjatje prej një viti.

Mandati i drejtori të Bordit mund të pushojë: në rast vdekje, dorëheqje ose shkarkim nga detyra.

4.6. Në rastin e zgjedhjes së Bordit të ri, një anëtar nga përbërja e mëparshme e Bordit, mund të vazhdoj të ushtroj funksionin edhe për një mandat dyvjeçar.



-
- 4.7. Anëtarët e Bordit të Drejtoreve, mund të shkarkohen para përfundimit të mandatit në Mbledhjen e Rregullt Vjetore (MRRV), ose Mbledhjen e Jashtëzakonshme (MJ), të Bordit të Drejtoreve.
- 4.8. Në rast të vdekjes, dorëheqjes ose shkarkimit të anëtarit të Bordit të Drejtoreve, Bordi i Drejtoreve duhet të zgjedh pasardhësin për të shërbyer për kohën e mbetur.
- 4.9. Vendimet në Bordin e Drejtoreve merren me shumicë të anëtarëve të saj, përveç me rastin e zgjedhjes së drejtorit ekzekutiv ku duhet 2/3 e anëtarëve të Bordit.
- 4.10. Secili anëtar i Bordit të Drejtoreve, duhet të abstenojë nga votimi i vendimeve ose për çfarëdo çështje tjetër për të cilën ai ose ajo ka interes personal ose ekonomik.
- 4.11. Anëtarët e rijnë për Bordin e Drejtoreve propozohen nga Drejtori Ekzekutiv dhe votohen nga anëtarët e vjetër të bordit me shumicë të thjeshtë.

Neni 5 – Mbledhjet e Bordit të Drejtoreve

- 5.1. Bordi i Drejtoreve do të takohet së paku dy herë në vit në Mbledhjen Rregullt Vjetore (MRRV), ku shqyrtohet dhe miratohet raporti për mjetet, detyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e organizatës për vitin e ardhshëm.
- 5.2. Bordi i Drejtoreve mund të takohet gjithashtu edhe në Mbledhje të Jashtëzakonshme (MJ) kurdoherë që kërkohet nga 1/3 e anëtarëve të Bordit të drejtoreve. Një kërkesë e tillë duhet t'i drejtohet Sekretarit i cili do të lajmërojë për takimin të gjithë anëtarët, në pajtim me procedurat të shpjeguara në paragrafin 5.3.
- 5.3. Lajmërimi me shkrim për MRRV dhe/ose MJ, duke përfshirë datën dhe vendin e mbajtjes së mbledhjes, së bashku me rendin e ditës për takimin do t'u shpërndahet të gjithë anëtarëve së paku 7 (*shtatë*) ditë para ditës së mbajtjes së mbledhjes.
- 5.4. Për mbajtjen e mbledhjes më së paku është e nevojshme pjesëmarrja e $50\% + 1$ e anëtarëve. Nëse ky minimum (kuorumi) nuk arrihet takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.
- 5.5. Secili anëtar i Bordit ka një votë në Bordin e Drejtoreve.
- 5.6. Vendimet merren me shumicë të kuorumit të anëtarëve të Bordit të Drejtoreve.
- 5.7. Secili anëtar i Bordit të Drejtoreve duhet të abstenojë nga votimi ose marrja e vendimit në çfarëdo çështje për të cilën ai ose ajo ka interes personal ose ekonomik. Në rast të barazimit në votim, abstenesit do të kërkohen ta rishikojnë votën e tyre dhe në rast se kjo nuk ndodhet, vota e kryetarit të bordit e thyen ngecjen.

Neni 6 – Drejtori Ekzekutiv

1. Drejtori ekzekutiv do të jetë udhëheqës dhe do të ketë të drejtë të veprojë në emër të organizatës dhe ta përfaqësojë atë para palëve të treta.



2. Drejtori ekzekutiv do të zgjedhet nga Bordi i Drejtoreve me shumicë prej 2/3 të votave të të gjithë anëtarëve dhe do të ketë mandat 2 vjeçar. Drejtori Ekzekutiv mund të rizgjidhet edhe për një mandat të dytë, pas të cilit, më nuk ka të drejtë kandidimi.

3. Drejtori Ekzekutiv do të jetë përgjegjës:

- 3.1. Për angazhimin, monitorimin dhe vlerësimin e stafit të organizatës;
- 3.2. Menaxhimin e përditshëm të organizatës;
- 3.3. Përcaktimin e procedurave të punës dhe delegimin e përgjegjësive tek vartësit e tij;
- 3.4. Të krijojë marrëdhënie të mira me organizata të tjera me mision të ngjashëm apo të njëjtë, të krijojë dhe mbajë kontakte me donatorët aktual dhe ata potencial.

Neni 7 – Ndaria e organizatës

1. Organizata do të jetë e ndarë në 3 Zyra Kryesore:

- 1.1. Zyra për Qeverisje të Mirë dhe Demokratizim.**
- 1.2. Zyra Ligjore dhe Anti-korrupsion.**
- 1.3. Qendra Kosovare për Gazetari Hulumtuese.**

2. Në krye të secilës zyre do të qëndrojë drejtuesi i zyrës i cili është përgjegjës për mbarëvajtjen e punëve në atë zyre.

3. Drejtuesi i zyrës emërohet dhe shkarkohet nga Drejtori Ekzekutiv i Organizatës.

Neni 8 – Shpërbërja e organizatës

8.1. Organizata mund të shpërbëhet me vendimin e 2/3 të anëtarëve të Bordit të Drejtoreve dhe me pëlqimin e drejtorit dhe përfaqësuesit ligjor të organizatës, kur:

- a) Në rast se organizata ka falimentuar financiarisht;
- b) Në rast të devijimit nga misioni dhe qëllimet e organizatës;
- c) Në rast se misioni dhe vizioni i organizatës janë plotësuar dhe nevoja për ekzistimin e organizatës nuk ekziston.



8.2. Kur të vendosë për shpërbëje të organizatës, Bordi i Drejtoreve së bashku me drejtorin ekzekutiv dhe përfaqësuesin ligor, do të tregojë emrin e shoqatës ose fondacionit në Kosovë që do të marrë pasurinë e mbetur pasi të jetë liruar nga detyrimet e organizatës. Shoqata(t) ose fondacioni(et) e zgjedhura duhet të kenë qëllime të njëjtë ose të ngjashme sikurse organizata.

8.3. Ne asnjë mënyrë pasuritë dhe asetet e organizatës nuk mund të mbeten në pronësi të stafit, Drejtorit Ekzekutiv, Bordit të Drejtoreve, apo ndonjë të afërmë të tyre.

Neni 9 – Ndryshimet e statutit

9.1. Statuti i tanishëm mund të ndryshohet me vendimin e dy të tretave të shumicës së Bordit të Drejtoreve dhe me aprovimin e drejtorit ekzekutiv.

Neni 10 – Periudhat e Raportimit dhe Viti Financiar

10.1. Organizata do të paraqes raporte vjetore para Bordit të Drejtoreve në MRRV ose kurdoherë që kërcohët nga një MJ.

10.2. Viti finanziar i organizatës do të përputhet me vitin kalendarik.

Ky statut është aprovuar në Prishtinë

Më 18. 12. 2014

Propozuar nga: **Organizata për Demokraci Anti-korrupsion dhe Dinjitet COHU!**

Aprovuar nga: LORIK BAJRAMI

Drejtor Ekzekutiv *mine*



Anëtarët e Bordit:

1. Alban Hashani *Alban*
2. Arben Hëjullahu, *Alijulhu*
3. BESA Luci BonaJuci